

劫

餘

詩

選

劫餘詩選卷六

葵源

蘇轍詩集

贈張子綱璣五百七十四言即題其詩譜詩集

孝哉孝哉張子綱幼失怙恃家南昌寒無衣兮餓無食
幕天席地餐風霜伯母苦守柏舟志撫爲己子承丞嘗
漁牧耕鑿靡不作採薪負米娛高堂弱冠得師授鐵筆
金石刻畫傳四方上追蚪蚪窮鐘鼎下摹秦漢搜瓦當
李斯小篆變古法妍媚工爲時世妝秦庭指鹿謀不軌
藝林流毒身宜戕當其毀縮滅古篆欲以小篆千秋彰
豈知三代器尙在古法猶得求微茫張君巨眼大手筆

獨奉古法爲津梁君刻孝經我刻帖同歷浩劫遭紅羊
余刻寶穉室古今墨蹟二十四冊李北海法華寺碑蘇
東坡小像黃山谷贊以及大士像先人遺墨并拙書共
成四十八冊今所存者真手不損古有說傳作自有名
山藏卓哉詩筆更無敵古歌樂府聲鏗鏘北征沉雄杜
工部鹿門淡遠孟襄陽自言三十學韻語風騷以外攻
三唐山肩高聳日月逝英華咀嚼饑寒忘紅巾賊起家
國亂袖筆從軍歷戰場磨盾作書飛羽檄橫刀殺賊從
鷹揚晨昏定省虧六載有懷將母嗟不遑渠魁倏忽報
殲厥捷奏鐃歌慰我皇此時快誦杜陵句青春作
伴好還鄉登堂拜母母益健憐兒生還歡非常椎髻之

婦侍母側蓬頭之子韋命裳樂敘天倫動吟興草心惟
祝春暉長因貧而仕作小吏折腰徒爲五斗梁詩歌織
筆置高閣心爲形役增慚惶每思庭闈輒神沮江永那
能一葦杭不如挂冠賦歸去日著萊衣戲母旁言罷拭
淚拂衣起詩篇印譜陳琳瑯嗟余病眼久蒙霧細讀頓
令雙眸光恍到山陰看山色應接不暇來青蒼如入龍
宮觀寶藏珊瑚珠貝爭輝煌望洋河伯向若歎虺隤老
馬輸龍驤志同道合那有此把臂訂交喜欲狂飽喫盧
仝茶七碗痛飲陶潛酒數觴膠西冷君擅詞賦麗江夏
黃子能文章桐軒蘭陵居士汪芝老清臞似鶴貪翔衆

賓談笑日易暮
籃輿送我回歸
艤良朋幸未交臂失
陰魂應繞魚灣莊

余時寄居石港

亂後故人能有幾
孝哉孝哉張

子綱

秋日書懷四首用冷麗生茂才秋日書懷原韻卽

寄南北諸社友

安巢纔得一枝棲

余今春同宜與脩造和豐橋市廛數間

夢裏猶聞鳴鼓

聲敢詡識途爲老馬
深慚舞甕作醯雞
還鄉最好春相伴
偕老何須梅當妻
風便將解甥館去
他時定憶范公隄

隄

石堪爲友竹爲師
慣向騷壇張鼓旗
揮筆誰能教鬼泣

還山我願與仙期，登樓作賦悲王粲。載寶移家羨范蠡，
獨惜黃花空自傲。西風依舊寄人籬。

散人端合處江湖，心似浮雲自卷舒。一室嘯歌真可樂，
百年藜藿肯嫌麤。揚州明月留騎鶴，空谷生芻復繫駒。
漢卿憐余年老復留，但願西疇能有事，儂歸休慮貌清。

臞

老來及早醉流霞，掣尾難回赴壑蛇。豈有長繩能繫日，
縱無佳境快還家。洲前蘆荻增頭雪，江上風帆走眼花。
秋水伊人勞悵望，長天浩浩起黃沙。

題友蘭師竹園二十韻爲鄭荔香齋守

土產作

蘭爲王者香竹爲君子重靈均九畹滋王猷一竿種蘭
生荆棘中有容能伍衆竹植淇澳間有斐詩人誦善哉
蘭與竹伊呂相伯仲鄭公素心人高節羣所頌友蘭而
師竹品端操妙用寫照入畫圖蘭竹爲清供坐石石已
溫左右清芬送澗水清且漣翠禽飛還唳滌慮兼洗心
師友來相從爲官作大隱藉以遠市閤何必尋桃源卽
此是仙洞予昔居友蘭

蘇城友
蘭巷

曾作徵蘭夢師竹常虛

心終日戒慎恐老來遭浩劫醯雞嗟舞甕怕惹蘭竹噬

甘心受飢凍長歌歸去來權趁秋風縱詩成辭公歸

國陋憑題鳳回首望成山海風吹不動

成山在通州石
港公時分轉通

州

黃竹樓過訪北莊袖詩贈別詩以酬之

僻處魚灣莊將離心快悵竹樓飄然來玉山河朗朗交
澹情更深別久談逾暢袖出贈別詩繼聲勝原唱從此
天一方唵魂互來往

乙丑七月二十有四日病中寄懷李友琴故人

璜

蘇州

總角之交友琴氏今之豪傑古君子世居陽羨城之南
生長湖光山色裏少好彈琴師古香

韓古香

壯入幕府耽

翱翔甫也諸侯老賓客脫離蛟虎親麟鳳花天酒地娛

卅載濟困扶危得自在絲竹無端換鼓鼙桑田倏忽變
滄海滄桑閱後回姑蘇可憐梓澤半邱墟手種視田無
惡歲家存長物僅琴書我逃虎口到江北魚灣甥館五
年客感慨悲歌泣鬼神風雲變態傷家 國去秋挂席

渡江歸做廬猶幸存春暉

春暉堂

入山修墓安窀穸鼓棹

尋君訴別離樓遲依舊府中幕庭院深深苑如故回思
往事夢難尋再世相逢情更注論書論畫復論兵是翁
矍鑠何多英堦前玉樹拂雲上門外驢駒催客行解衣
推食無窮意別又經年縈夢寐何時陽羨重結鄰共對

銅峯老烟翠

送王燾還家詩

有序

王燾號月江袁浦人其先世爲河帥考程書吏
擒匪作亂飄泊無家投依於余倏忽三載從游
大江南北勞苦不辭性極誠篤能詩善錄多病
貪眠大患瘡痍爲調湯藥起死回生蓋非一次
同室厭惡視如毒蛇勸予擯出予實不忍乙丑
七月二十八日其兄王榮彥功書來促歸幫辦
書吏又云母病望子早回時燾抱痾呻吟床第
持書告別淚如雨下有家可歸旣爲之喜一朝
別去復爲之悲作詩勗之以送其行

自非窮士誰依我憐爾吟詩意向新好趁三餘尋舊業
莫耽一夢負青春脫離苦海快登岸回想瘡痍應愴神
贈別四言皆妙諦清勤戒慎盡書紳

題策馬圖爲王仙谿明府

承恩

作

山邊有路馬堪馳世界蒼茫何所之自題二十八箇字
一笑君詩卽我詩

一笑君詩卽我詩相逢萍水不須期明朝我又渡江去
聯轡山巔與水涯

聯轡山巔與水涯殘陽散作半天霞羨君汗馬功名得
正好優游到處家

載埠中秋同席君子書玩月感作

同看中秋月持盃興有餘
纖雲纔四卷離恨已全除
世事天休問人心虎不如
嫦娥應墮淚村落變邱墟

九日舟泊方橋坐雨和楊堯門見懷詩韻

故國逢佳節良朋係我思
看山堪飲酒聽雨合吟詩
惜負登高興欣當靖亂時
伊人隔秋水皓首訂交期

舟中遣懷用九日堯門晚起韻

將老髮先短太平心更長
求田察荒熟築室相陰陽
有子補事缺累人慚德涼
受施何日報愁對月昏黃

攜琴載鶴圖頌爲厲慕韓太守作代

攜一囊琴載一隻鶴清獻清廉夫子繼作夫子德政民
不能忘夫子琴鶴召伯甘棠近徵琴治三疊心傳遠聽
鶴鳴聲聞九天放翁團扇家家圖繪琴兮鶴兮曰攜曰
載當斯時也黎庶爭留蒙恩弟子淚下難收琴以和貴
鶴以清重夫子盛德琴鶴爲頌

江陰訪陳式金以和并晤夏怡雲作詩贈之

江城雞犬竟希聞無數人家化楚氛求友欣逢陳寄舫
談天幸遇夏怡雲圖書金石成朝露鶴髮童顏近夕灑
獨有君山青似舊西風落葉又紛紛

海陵甥館喜晤郭堯卿茂才夔作詩奉贈卽用其

題趙漁亭詩集韻

虛舟飄泊與誰同
自去自來西復東
惜別揚州二分月
欣逢鄉曲一仙風
銅琶鐵板憑高唱
美景良辰莫放空
寡過未能思學易
可憐老至已成翁

寄懷漢卿揚州卽用郭堯卿贈宗湘文詩韻

江南江北笑知津
兩載征衣未脫塵
故國寒梅空入夢
小山叢桂尙留人
纔歸陽羨吟佳節
重到吳陵詠小春
老去談詩少儔侶
終朝望爾立河濱

十月二十一日攜兒功成姪功炎重游小有天園

復用前韻

恍到桃源重問津漁郎暫此避鶯塵可憐沖舉雲中鶴
來迓逍遙物外人養性仙耽千日醉離鄉客愛一枝春
兒童但解清游樂忘却浮家寄海濱

吳陵遣懷三疊前韻

欲泊扁舟未有津茫茫何處脫根塵放懷天地思名世
寄傲江湖慕散人安得長繩繫白日要回寒歲作青春
老來消遣惟搜句不在山邊卽水濱

寄懷龔少卿

丙吉

明府秦郵四疊前韻

神交原不隔關津杜老詩懷絕點塵籌筆總關天下計
謀生同是劫餘人流行自在心如水風度和平座滿春

笑我年衰牛馬走片帆何日卸湖濱

家住陽羨太湖之濱

寄懷席子書溧陽戴埠五疊前韻

仙家叩齒復吞津不昧靈光自出塵

子書有病故及之

筆下能

爲瘦硬字眼中惟有老成人招邀客賞中秋月

中秋泊舟戴埠

省墓承招賞月

點染梅開大地春

子書畫梅贈行

許久未償書畫債

余

未報命

雙魚望切戴溪濱

寄懷崇州肩雪雉臯蘭溪狼山芥舟焦山几谷芥

航蜀岡雪航六開士六疊前韻

何必朝朝嚙玉津虛空粉碎自超塵好詩無過口頭語
良友難忘方外人常住名山享清福不離淨土得長春

諸公各有棲身地笑我萍蹤泛水濱

寄懷潘星齋侍郎

曾瑩

敘庭侍讀

曾綬

都中玉淦

觀察

曾璋

吳門七疊前韻

記得胥江泊古津蒼松翠柏出風塵
金題玉跋成陳迹鳳闕鴻城尙有人
道路騶騶開故國池臺鸚鵡語青
春詎知金石龕中客老抱焦桐奏海濱

寄懷楊堯門處士盧品珊茂才陽羨張子綱縣丞

雉臯八疊前韻

米家船返畫溪津訪道尋仙迥出塵
楊子四知明道者盧生一夢得仙人
詩壇征戰都堪霸酒國流連總是春

夢從張騫上霄漢支機石再覓河濱

寄懷應敏齋觀察

寶時

申江九疊前韻

大筆曾題姪婦津

余作翠釧曲承題七絕三首

詩清如水不容塵西

湖泛雪招同社

辛亥臘月十四日余舟次錢塘承招同社王小鐵孝廉夏靜甫澁使周存伯太守

湖山探吟分韻賦詩極一時文讌之樂

東閣觀梅見替人政事文章光海

國和風甘雨轉陽春追思先德情何厚

尊人菊裳先生與我甚厚至今

追念感魂夢時縈越水濱
不去心

寄懷魚灣詩社諸友十疊前韻

乘來寶筏得通津小住魚灣好避塵福地保全天下士

騷壇多半難中人燕勞易散東西翼桃李難忘爛漫春

更有成山常繫戀賢祠高峙海之濱

成山上奉祀范文正公信國公

夢餘偶成十一疊前韻

不泛仙槎到漢津那知下界擾紅塵驚回天上尋源夢
苦憶成都賈卜人勘破去來今世事靜觀三十六宮春
餘生略識盈虛理祇合垂綸寂寞濱

寄懷李小白刺史

杰

貴州陸次山太守

璣

四川姚

梅伯孝廉

燮

定海蔣劍人茂才

敦復

寶山藍香

子縣丞

居中

淮安李友琴太守

璜

王樸臣孝廉

炳

蘇州王丹麓司馬

承楓

沈守之刺史

祥年

河

南十三疊前韻

萬里宦遊當要津隨車甘雨洗征塵

小白山快行胸臆常

尋樂

梅伯

笑把頭顱要贈人

劍人

藍水遠從千澗落

香子

綠楊

同作兩家春

友琴

二王詩畫精能甚

樸臣丹麓

瘦沈詞源瀉酒

濱守

與于六甌噤尹

贊之

論性情作自勵一首十六疊

前韻

松柏由來有本性冰霜豈肯受纖塵行空天馬謝羈勒
解脫禪心無我人老去康衢歌擊壤聞來勝地快遊春
功名事業看兒輩鎮日逍遙藝海濱

與友論詩十七疊前韻

恬吟密詠味津津勝向長安踏軟塵傳作多因言有物
名篇豈在語驚人太玄奇字雄欺世童冠風雲點志春
養得中和元氣足筆花飛舞墨池濱

無題十八疊前韻

前宵夢過浣花津風送歸鴻雨灑塵時去已無金作屋
覺來空惜玉如人可憐桃葉猶歌渡却怪菱花不駐春
神女生涯腸更斷朝朝暮暮楚山濱

歲暮消寒歌示漢卿

屢提精舍海西頭萬里難馴來白鷗天地一寒誰與共
梅花怪石兩朋儔人生滄海渺一粟百年三萬六千日

來日苦少去日多上山何遲下山疾天地一瞬曾不能
何況優鉢曇華榮無中忽有有非有死裏遺生生乃生
從來善惡皆不朽禍福相成觀好醜立德立功與立言
三者得一身不負前身問我是何人寂照庵僧是我身
念錯中間應受譴廬山面目敢忘真插脚塵中百不好
未除結習多煩惱人間何世歎花花天下勞人悲草草
世實危脆無牢強圖書金石遭紅羊半生事業付流水
劫餘殘石名山藏余去冬載石刻大士寶相一座坡公
自寫小像一座先大夫送唐石佛入
焦山圖并詩以及程祭酒恩澤林制軍則徐張河帥并
潘侍郎曾瑩侍讀會綬張太史大相僧借庵諸公題詠
墨刻一冊又焦山倡和詩墨刻一冊送上茅庵何必留
焦山交定慧寺住持芥航收藏作歌紀事

佳處要識菩提本無樹靈光不昧脫根塵天地吾廬定
常住休言非住又無來天地心觀數點梅自聽生公頻
說法點頭喜見石頭開

時漢卿口授成兒作
文妙法故并及之

乙丑十一月二十七日成兒及冠于壻漢卿以天
下才子必讀書爲賀并云壻所望於小玉者不
但功名祖武克繩卽不愧此佳名感其盛意作
詩酬之二一疊前韻用示成兒無忘厚誼發憤
爲雄以副期望則幸甚幸甚

必讀書爲後學津驛騶閑道出風塵果是實心行實事
何難名世作名人富貴功名無定命文章經濟有長春

雞聲燈火須珍惜期爾邀遊沂水濱

成兒及冠作詩勗之時乙丑十一月廿有七日也

余年四十有四秋丙午兒生雲起樓

蘇城西麒麟巷

兒未生時

母得兆祥雲喜鵲圍星毬

成兒生母陳氏夢見一大星毬中有人面墮其身前祥雲

滿屋喜鵲盈庭因而有

七齡得句輒自喜吟梅詠月詩

清幽傳學年時偶賦雪金題玉跋傳公侯

兒十一歲詠雪云大雪紛紛

紛下中庭一片銀春風回廢谷梅花笑老人錢冬上觀
察見而愛之連和二絕句有欲求詩弟子何可失斯人
之句黃秋士爲繪梅花笑老人圖潘星齋少宰題詩有
披圖堪一笑梅麓有詩孫之句嘉禾勞雲卿母太夫人
篤湖女士題詞欲以女妻之成兒姊婿于漢卿和詩再
四以宋板尙書爲賀一時賢士大夫爭相題贈積成巨
冊詩久潘公諺以詩孫譽錢老據爲詩弟收梅花一笑

動閨閣絲蘿欲結詞爭投吾壻漢卿喜無極尙書爲賀

詩頻酬轉瞬成童遭浩劫先賊一日離蘇州庚申之變四月十二

賊陷吳門前一日未時余著姪富文奴平福送成兒出

城渡江到通州石港投其姊夫寓中得脫虎口真天幸也

冒險渡江奔石渚脫離火宅登瀛洲磨勒作奴供貧

荷女嬰爲姊訓謨猷衣食教誨日復日駒光迅速年六

周指顧之間已及冠居然男子長如邱少多疾病長遇

難經史讀日疏剛柔寡聞孤陋固不免閉戶獨學無朋

儁文以載道兼會友友以輔仁富擇優聖言毋友不如

已取友取蘭莫取猶豈無經師如安定負笈儘可從師

遊高堂白髮垂垂老安忍遠出貽親憂匹夫立志不可

奪功德期與天地侔聖賢豪傑亦人耳生既爲人身宜
修正誠致格大學本不中不遠心誠求讀書豈爲功名
始 聖明在上端居羞出爲蒼生作霖雨退聚文光

射斗牛田園荒蕪剪荆棘道路險阻開驂駟父年已邁
心力瘁草霜風燭汝知不冬日無多能不愛青春易去
眞難留先集重刊在何日此事非汝誰其籌家聲努力
快振厥食舊德而服先疇勿負諸公暑年譽無慚祖德
詒孫謀孝弟忠順爲汝責成人之道從今由願汝實心
行實事不義富貴浮雲浮盍把父詩日三復好作人間

第一流

雙節殉難詩 有序

咸豐六年丙辰粵寇陷揚郡甘泉民葛大純妻
高氏子椿妻張氏臨難死皆節婦也先是癸丑
賊陷揚姑婦避至城外家故無男丁椿止遺二
女縫紝拮据供菽水爲仰育計賊至更無所得
食因寇退還居城內丙辰賊再至姑婦計不死
必遭辱皆自經張氏先手刃二女後自刺不殊
死復就縊高年二十一守節已得 旌死年六
十三張二十三守節死年三十女大者年十四
次九歲云

甘泉葛氏父子繼殉一門雙節孝婦事姑孝婦無兒祇
生二女仰事俯育零丁孤苦賊來城陷姑死婦隨恐爲
賊辱先殺女兒借曰不死喪名辱身維其死之名揚身
存嗚呼姑婦聖賢根器孔曰成仁孟曰取義可以無恨
可稱完人流芳百世益壽千春嗚呼雙節具三達德生
振綱常死全貞白鬚眉失節累萬盈千聞爾節烈能無
愧焉我陷吳門十閱月矣罵賊得生墜樓不死今題雙
節歲莫年衰中書君禿深係懷來

劫餘詩選卷七

婺源、齊學裴 子治

次韻和于漢卿見投之作

世味嘗來百不喜，惟有吟詩興未止。
積成卷軸欲何爲，萬言不及一杯水。
劫餘無計破愁城，奔輪日月難忘情。
眼看陵谷幾番變，鼻掩鯨鯢大戮腥。
冰霜歷盡陽春轉，櫂槍掃淨銀河橫。
萬事不如杯在手，餘生得錢便沽酒。
亂離飄泊一孤舟，天下何人念老醜。
虹霓吞吐忘飢寒，江南江北多青山。
詩思離離原草發，酒腸浩浩洞庭寬。
快牽黃犢來上阪，收之桑榆未爲晚。
文章事業望兒賢。

隴畝鋤犁憑婦健棲木一枝憐彼禽飲河滿腹嗟伊臆
海陵甥館重低徊功成喜爾畫麟臺作詩慰我爲前導
化城一入蓮花開

乙丑除日書懷因憶吳門同遊小麓少由樸齋諸
弟兼酬漢卿再次前韻

人生不辱復不殆莫如知足還知止人生嗜好與俗異
莫如樂山兼樂水我從亂後到鴻城殘山賸水徒傷情
虎邱泉石仍無恙棗市魚蝦又覺腥華表鶴歸天慘澹
蘇臺鹿逐路縱橫健兒十萬好身手要贈長星一杯酒
古人云亂後見長星天下復太平樂死何如遇患生禍成畢竟因福醜

霜天雪地不知寒，爲憶梅花返故山。
朝遊鄧尉寒香杳，晝上靈巖野色寬。
興盡驅車下長阪，夕嵐一起湖天晚。
兄弟登臨悲喜并，明年此會知誰健。
可憐老去客無能，安巢果腹慚鷓鴣。
高冠長珮休徘徊，要上丹臺先將臺。
時捻匪未平吾願，漢卿及之紅巾掃却。
天顏喜白雲，早從戎殺賊立功，故及之。
飛去洞門開。

吳陵岳阜謁岳鄂王廟歌

高宗南渡據神器，二聖還朝置何地。
長君之惡伊何人，十二金牌出奇智。
鄂王不死金必亡，東京恢復無建康。
高宗避位歸藩邸，不爲天子爲諸王。
檜也乘間居奇貨。

鄂王乃在榻側卧嗚呼何待風波亭朱仙一戰獄已成
不聞檜語是上意鐵案莫須有三字已拚笑罵由他人
且固偏安君相位史書矯詔檜殺之爲尊者諱何須疑
不越境與不討賊春秋誅心歸罪誰東窗詭謀承旨耳
彼婦長舌何能爲觀其褒贈有深意檜死封王復封燹
燹封旋令燹致仕委曲保全情可知檜也遺臭千萬世
高宗隱慝無人窺惟王當時識此意君賜臣死胡容辭
今日趙家無寸土吳陵一坏名岳阜同時部將聚一堂
懍懍英風振千古子死孝兮父死忠萬年俎豆何其崇
我來陟阜攜孤筇拜瞻王像淚沾胸王書自譜滿江紅

忠貫日月聲摩空昔年摹勒寶稷中碑照天地光熊熊
余刻寶稷室法帖二十四冊王書在焉方今盜賊如屯蠡海陵一隅慶安
墟豈非王靈保障功江南一帶無數峯羅列堂下如附
庸大江東去浪淘淘落日蒼莽悲英雄感時懷古歌當
哭譜入迎神送神曲騎驢湖上豈無人茫茫遠海搖空
綠

將返江南作詩述懷卽以留別諸親友

又聽清明雨紛紛客思長田園荒故里骨肉聚他鄉年
老興猶在途窮詩更狂輸他王子復仙筆畫螳螂蔡源
復落魄漢陽岳陽樓遇仙授筆教畫螳螂王子拍飛去
技以歸歸畫不靈矣十年後扶乩呂祖降壇詩云十年

劫餘詩選

卷七

三

不見王子復今日相逢已鬢蒼記
否岳陽樓上坐與君相對畫螭螭

春及農人告西疇有事將余家在陽羨浩劫歷紅羊徒

手田難種銘心語不忘鳥聲聞布穀一日九迴腸漢卿要派

田夫四人牛一頭過江到
宜興代余耕種以養餘生

我生胡不辰坎壈老纏身馬齒徒加長豬肝久累人親
朋情自厚鷗鷺性難馴何日攜家去荆溪泊古津

去也終須去留兮胡可留盡歡君子戒知進聖人憂老
驥那甘伏飄萍總是浮先人敝廬在尙可作菟裘

屢空心長樂時平客亦安典衣償筆債忘食據詩壇尙
得湖山住何妨苜蓿餐教兒耕且讀斗室足盤桓

一子猶多病餘生仗阿誰東床坦腹客老者輒安之雪
賞紅爐酒秋吟黃菊詩舅甥終有別南北各分馳

三月十一日吳陵喜晤宋幻仙

丙寅 詩以贈之

亂後知心剩二三離居江北與江南君如塞上追風驥
我似盤中食葉蠶湖海論交存總角天涯相遇合停驂
還山無計祈籌策過眼烟雲且莫談

同友人尤園看牡丹題壁

淵明富貴非吾願魯望江湖作散人倚杖看花忘落日
臨流顧影惜餘春仙才早讓李供奉國色終推揚太真
我亦有園陽羨里年年爲客負芳辰

同祝蓮舫孝廉翼樵襟大令遊小有天園岳阜禪院

吳陵地似武陵偏，竟許漁郎重泊船。佳客多聞談異事，
芳園清曠舞胎仙。薇宮春草都含怨，紅到桃花更可憐。
幽興衰年還不淺，扶筇直上泰山巔。

岳阜俗名泰山

花下偶成

一筇雙屐到春忙，鎮日花間領衆香。貪向名園頻覓句，
快依曲水共流觴。子規杜宇形聲幻，蝴蝶莊周物我忘。
萬紫千紅拋不去，酒狂未足又詩狂。

次韻和漢卿北行入觀留別四律卽以贈行

爲官先貴慎享福莫求全爵位有高下鴻文無後前
千金隨手散萬貫乏腰纏大笑出門去垂揚正拂煙

煙柳望不極行人吟別愁快提驅欲劍痛下釣詩鉤入

覲圖麟閣觀光仰 鳳樓長途須自愛勿念海西頭

筮仕來南國回頭十四年書生事戎馬辛苦荷天憐好
際風雲會出爲霖雨賢 聖顏從此識喜動 御爐

邊

萬卷讀已破胸中富甲兵主持三不朽消遣一浮生鶴

舉渾忘老

余疑南
旋掃墓

鵬搏不計程槎回剛八月翹首望南

征

贈梁溪沈旭庭 梧

瘦沈耽高卧山林適性情人如秋菊澹詩比惠泉清拒
賊斷長板著書挑短檠劫餘何所恃老筆法關荆

嗜古眞成癖求書不惜貲居家常起早愛月夜眠遲近
慕稽康懶還兼顧虎癡可憐蝴蝶夢栩栩繞花枝

久客成流落浮生豈有涯與君連夜話起我故巢嗟金
石竈徒在湖山夢尙遐何時同鼓棹偕隱入桃花

歲月似流水窮通如轉環靈光寄墨妙及早藏名山世
事憑誰問金丹莫我還不談風與月那得破愁顏

溧陽書院訪蒼雲石歌

蒼然一片如雲石倚杖看雲心惻惻無端浩劫破空來
石損奇峯不復識石猶如此人何堪無怪家徒四壁立
蒼雲二字看猶存石上何多斧鑿痕良岳公爲石主人
歷年千百誰能論幸遇吾友芮蒼園對榻子細談石因
鳳皇之石雙橋濱還有一石忘其名三石同時拜君賜
佳話流傳宋皇帝前朝詩刻半消磨雨淋日炙難尋字
我家黃山三十有六峯峯峯怪石無一同別來二十有
餘載濟勝之具今安在舟停瀨水歌蒼雲令我吟魂繞

黃海

九月初五日溧陽訪彭竹亭明經

劍華

於城北詩

以贈之

竹亭一別卅餘年，白髮盈頭望若仙。
庾信小園空蔓草，陶潛五柳長風煙。
名書秀過蒼雲石，佳句清於金瀨泉。
朋輩紛紛如落葉，重逢亂後喜無邊。

九日攜兒子功成邀同楊堯門蛟橋登高

田園寥落尋常事，老去豪情幸未消。
返棹又逢吹帽節，遙朋同上斬蛟橋。
湖山深秀仍無恙，親故凋零不可招。
城郭人民半非是，鶴歸華表意蕭蕭。

丙寅重九後一日同楊堯門畢笠漁訪任仁山於宜興城南得讀憚南田手書詩稿中有和次谷

九日險韻詩極佳愛不釋手越五日酒闌明散
危坐孤舟疎雨打窗聲如擊鉢詩興忽發走筆
追和南田險韻燭未見拔詩已詠成聊以遣懷
不計工拙也

老來行樂第一法何必苦吟聳肩脚鄉關三度過重陽
有酒邀朋同一呷不緣傑士除蛟虎安見清波泛鸞鴨
田園且漫歎荒蕪天河還要沈兵甲

時捻匪未平

年衰世異

有何營醉卧滄江白鷗狎老醜宜爲人見疎秋風誰復
搖蕉箠彈琴豈易遇鍾期流水高山志和洽陶家三徑
今幸存殘菊籬邊猶可搯蘇子曾操調水符劉伶慣荷

埋山鋪祇知酒國有長春不慕詞源倒三峽大千世界
一微塵容我片時來岸恰人生晚節須自珍休教虎兕
出於柙干鈞巨石一髮懸萬里狂瀾片帆壓孤燈照夜
欲三更疎雨敲篷聞一霎良朋聚首豈徒然龍氣連宵
騰劍匣

舟中遣懷用楊堯門韻

一囊書卷一漁竿不慕淮陰上將壇琴劍飄零心自樂
湖山浩蕩意俱寬興來忘却頽齡到亂後難爲容膝安
誰似靈均吟澤畔陸離長佩岌高冠

遣興

一葉扁舟往復還
流連忘返戀湖山
清波淨拭開明鏡
遠岫巖粧列翠鬟
風色無恆排日變
我心長住畢生閒
多情難却故人酒
痛飲歡呼百慮刪

題裴玉山認我圖小像

故我今我同一我
認真認假無不可
我從辛苦賊中來
我猶依舊何曾改
裴君示我認我圖
不可思議難描摹
妙語解頤笑相呼
故我今我何有無
不失書生本來面
滄桑更變我不變
我中有我認得真
自是金剛不壞身
解得此中真意味
大千世界視微塵

十月十四夜君山北渡玩月作歌

少時玩月在陽羨銅官玉女常留戀中年玩月姑蘇臺
娃鄉雪海時徘徊老來玩月君山麓白髮飄蕭心更樂
江月放出大光明要與余心證圓覺少陵老去寄孤舟
時與江月同遨遊我何人斯亦若此仰天大笑風颼颼
江州司馬夜送客惟見江心秋月白我今見月思唐賢
朗誦琵琶行一篇瞻之在前忽在後恍惚如逢白樂天
余生六十有四年眼見滄桑幾變遷金石刻畫化烽烟
傳家有筆尚如椽一葉虛舟搖醉眠江南江北憑風牽
覺來高聳山字肩吟詩對月如逃禪天上一月圓復圓
江心一月化萬千何殊東坡游赤壁飄飄羽化而登仙

朱戶人家睡方熟那識江中月升落天憐詩客太清寥
故遣嫦娥伴弦酌

茶壺銘

品泉休說陸羽煮茶何必盧仝老到古稀將近快哉兩
腋清風

睡足一甌嫌少詩來七椀求多壺公容身有地茂陵消
渴如何

題王雪帆通守聽瀑圖

昔年游黃山寺樓住雷壑竟夕不成寐欹枕聽飛瀑吟
詩到天曉逸興翔寥廓回首三十年壑雷縈夢轂滄桑

忽變更烽烟驚漠漠奔西復走東山靈笑人俗吳陵眞
福地絃歌聲繞鄣岳阜非崇山飛流何處落中有遯園
翁卧遊圖一幅潺湲不住聲引我入深谷塵胸藉以滌
新知信可樂與翁訂游山蓮峯看六六更作匡廬游繪
圖追黃鶴

題遯園圖爲王雪飄通守作

吳陵有遯園離城卅里餘遯園主人來示我遯園圖來
春約我遊書屋翫雙梧旁有停琴榭琴在絃久無仙館
名珍叢著書滿江湖梨雪香入夢侯穆樂何如桃李開
春光無言笑老夫幾竿子猷竹與我同蕭疎雲林清閨

閣古人今與居亭高風自遠鐘動月何孤曲岸蓮花開
菲菲芳襲裾西窗帆影過渺渺去愁子海濱老作客何
時還傲廬我亦有園亭陽羨城東隅松菊幸猶存田園
歎荒蕪圖書空四壁金石散三吳梅妻與鶴子晚景成
林逋遜翁尙高潔種梅帶月鋤宦興付東流烟波侶釣
徒旗亭一尊酒遲唱雙鬢姝酒酣耳輒熱擊缶歌烏烏
長歌歸去來出處陶潛符園居以樂志肥遜堪遂初心
不爲形役遜翁其庶乎

丁卯春同翟懷卿茂才

階

功炎家姪登靖海樓作

吳陵又到清明節靖海樓頭作大觀天半風聲疑虎嘯

去館言詩 卷一
江南山勢宛龍蟠，濤驚浪駭仙何在。
柳綠桃紅佛亦歡，獨恨楚氛猶未滅。
老顛能不泣憑闌。

二月二十七日攜功炎姪邀翟懷卿東部看桃花
作歌紀之

海陵東部桃花紅，千樹萬樹酣春風。
春風妬花狂似虎，吹落花飛作紅雨。
老夫倚杖立花前，花着滿身不知數。
餘生結習猶未除，天然一幅散花圖。
詩賦天桃華灼灼，人同癡蝶夢蘼蘼。
天台四萬八千丈，劉阮看花絕頂上。
勾留仙子飯胡麻，艷福何人能再高。
桃花開遍武陵源，祇許漁郎來泊船。
此間彷彿桃源洞，花隨人隱笑無言。

阿儂曾住桃花鴨桃花時節詩頻賦憶別桃花有八年
桃花庵廢桃無樹令人長想桃花仙桃花流水杳然去
唐六如家桃花鴨有桃花庵
裏桃花仙歌墨蹟余向藏之

三月初一日清明懷卿招余奪魁園茶聚途中遇

兩作歌贈懷卿卽用懷卿東部看桃花詩韻

游仙夢覺天剛曙翩若飛鴻不知處懷卿折柬招我游
一笑出門訪詩去詩才天授非人工君詩頗有謫仙風
腕底春風如并翦裁成萬紫與千紅千紅萬紫引閒步
空色菩提有何樹眼前世界現曇華頃刻朱顏鏡中駐
鏡花看去興偏賒客裏清明不憶家天公故與詩人戲

催詩雨又亂如麻羨君意氣自千古讀書恥學腐儒
腐不貪利鎖及名韁惟嗜酒龍并詩虎虎嘯龍吟和我
歌想其下筆如風雨春風吸茗作游仙黑雲驅雨迷歸
路

題程瑞文握拳獨立圖

行樂者誰惟瑞文甫獨往獨來亦儒亦賈老拳打去粉
碎虛空空拳握定風虎雲龍經歷滄桑名成三徙彷彿
陶朱今亦老矣邂逅相遇鳳尾橋西飲我以酒食我以
雞題詩訂交入林挹臂望若神仙作大游戲

宋家酒壚會飲歌

有序

吳陵城西宋家酒爐在西山白雲寺之前名流
雅集滿壁詩歌今之旗亭也丁卯上巳余同戴
維莘張榮春曹錦軒沈筱庵翟懷卿諸君游園
看花來此小飲醉後放歌以紀勝游云

三月三日天初晴酒朋詩友邀踏青腳著謝公折齒屐
手持黃山千歲藤深巷烏呼泥滑滑滿天風颭花冥冥
小園彷彿元都觀桃花暎日搖光晶一雙雛鶴展開步
似與游客相送迎花開花落無人惜祇有好鳥鳴嚶嚶
王孫不歸草自綠見烏啣紙難忘情今古橋西白雲寺
千竿脩竹綠滿庭宋家酒爐今旗亭吟翁佳士來合并

座中誰是王之渙雙鬢遲唱壓適齡我獨酒德頌劉伶
幕天席地醉不醒到處青山可埋骨達哉達哉荷鍤行
斗酒百篇推李白詩仙酒仙誰敢爭酒錢揮去三百萬
賺得寂寞身後名嗟予年邁百無能蕭然兩鬢徒星星
圖書雖未空四壁金石久已銷千聲虎口餘生有何事
吟詩醉酒求友生擁爐痛飲酒一甕嬉笑怒罵真忘形
湖海豪情消不去狂奴故態老猶萌暢談往事興不已
拍案叱咤人皆驚人生百年閃一電酒盃以外鴻毛輕
君不見酒星明明兮酒泉盈盈酒人長樂兮酒國長春
胡爲乎逢天憚怒生不辰西南盜賊猶未平自西徂東

靡定處世實危脆殊難憑醉鄉幸有容身地何必桃源
尋武陵風吹酒醒客漸散日落未落鐘初鳴歸來一覺
睡曹騰又接酒仙游太清

三月初六日訪丁雪苻太守柔克於小有天園作

一夕談歌詩以贈之

慷慨談今古相逢又一年詩心懸日月酒氣薄雲天事
業千秋定倉皇萬里旋西南正烽火有待畫凌煙

縱盡百壺酒難銷曠古愁窗前唳離鶴壁上嘯吳鉤左
氏十年賦巖陵五月襄山林與鐘鼎天遣會邗溝

春草天涯綠王孫猶未歸桃紅游子淚蝶舞老萊衣反

哺憐烏鳥無言對夕暉
百端心緒亂惆悵落花飛
富貴出勤苦艱難
天玉成窮愁能不死
憂患得長生我
豈識塗馬君眞遷木鶯紅
塵功行滿攜手上蓬瀛

三月十八日同維莘汝登榮春尤園看牡丹作

子規聲裡雨紛紛
綠野鋪來五彩雲
節序又驚三月暮
艷新如讀六朝文
三千粉黛無顏色
十二闌干倚夕曛
富貴光華誰不愛
燕支多買豈徒云

攜筇得得過橋來
歐碧姚黃次第開
金縷雲裳眞貴客
天挑穠李盡輿臺
內家妝束原殊衆
大塊文章孰總裁
不信濃姿逢老眼
猶教臨去重徘徊

天憐客子太無聊，特放名花慰寂寥。
聯句願依金谷罰，餞春重赴玉樓招。
艷情飛燕差堪擬，豪氣元龍老未消。
高唱清平三疊曲，餘音嫋嫋上青霄。

家徒四壁不須愁，錦有千堆足勝游。
天下幾人知醒酒，世間惟爾可消憂。
草衣何幸天香染，鶴髮應爲國色羞。
今日老翁堪一笑，如逢仙子到瀛洲。

小有天園看繡毬作

錦簇花團朶朶圓，牡丹開後芍開前。
誰將太古瓊瓏雪，來照仙宮小有天。
拋擲韶光過九十，評論粉黛冠三千。
封姨踏鞠無時歇，玉蝶紛飛到酒邊。

取來明月一輪輪化作花毬艷且新到處紅酣都掃地
芳時白打正娛人曇華我又觀優鉢玉燭誰調照莫春
滿院綠陰如幄崑山公衣白往還頻

桃花三首和何荔生女史孝儀原韻

老去看花肯再遲花開能耐幾多時客狂尙插塵中腳
畫好難傳竹外枝袖舞青春翻玉珮觴飛紅雨燦玻璃
漁郎不是避秦者重覓仙源那得知

青山缺處嫩紅遮露出茅檐三兩家若箇情深千尺水
有人意託一林花織成雲錦鶯梭擲裁斷烟綃燕翦斜
節近清明春爛漫無窮客思動朱霞

鼓吹詩腸與酒腸年衰更戀滿庭芳美人從古無寒態
妖客緣何有異香仙忽得來如麗妹恨難銷去是昭陽
無言省識拈花意世味而今一笑嘗

五月二十二日訪蔣劍人於滬上竹林庵至則聞
其去世已八閱月矣作詩哭之

不到竹林卅數年故人重訪隔雲天茂陵有客求遺稿
塵世何人似浪仙死保頭顱垂宿願生披肝膽忤時賢
劍人來書云一類老頭顱不知何處奉送劫餘拙著憑誰定獨立江干淚泣
然

應敏齋廉訪惠鮮荔詩以酬之

故人惠我伏波果色白香清味更鮮道路三千來滬上
閩娘十八想當年騎塵無怪揚妃笑風度猶教老朽憐
搜索枯腸無好句對茲尤物憶坡仙

丁卯五月二十三日重游上洋訪應敏齋藤訪爲

留數日快慰無似作詩留別

十年不作滬上游終日苦學蟲鳴秋滄桑過眼閃一電
陷賊不死徒白頭今來訪舊多爲鬼

謂蔣劍人瞿子治張春水諸君老

淚湧出如洪流蜃樓海市變萬狀異物叫嘯聲啾啾管
絃蕭鼓沸晝夜地火天燈射斗牛昇平氣象老猶見仰
天大笑忘我憂當路猶幸存知己高情如舊行頻留龍

鍾才學而不濟何以報之慚無由久客壻鄉歸不得田
荒屋壞家萍浮虎口餘生心力瘁魚豕尚可供校讐少
陵幸遇嚴僕射詩酒得以消牢愁元龍豪氣磨不去途
窮竟莫展一籌年近古稀收弟骨寸心欲裂復何求明
朝挂帆辭君去安視期君爲我謀著述自慚非李白品
題妄乞韓荊州

贈貞孝張女詩

有序

洞庭張興洪之女許字葉恆蕃爲繼室未嫁而
夫歿女聞訃矢志不可奪父病劇割股進湯藥
卒不起視含殮畢卽奔夫喪撫育遺孤新陽葛

揆章聞其將扶櫬歸山爲詩以贈李登瀛作小
引徵詩余來滬上應敏齋廉訪招飲出眎此卷
因題一詩以贈之時丁卯五月二十有九日也
洞庭山高插天洞庭水清且漣張家女兒賢復賢湖山
靈秀鍾嬋娟父病劇女割股女未嫁夫已死夫命似鬻
華女心如井水夫死有遺孤無母誰其撫借曰不奔喪
何以對夫子扶櫬歸山存夫祀葉家忠臣張孝女嗚呼
巾櫬有完人浩浩中流一砥柱

沈川理源余氏姊歿於丙寅十二月丁卯五月二
十二日裘到申江晤余心軒表弟方知姊考終

之信詩以哭之

弟少多疾病聚姊加煩憂弟壯遭家難累姊抱深愁弟
老遇兵燹姊更愁白頭思弟不得見手書時相投逢人
問消息得信笑不休知弟好飲茶壑源爲弟搜知弟好
食肉臘肉爲弟留弟祗生一子弱冠長如邱姊恨未得
見姊心常悠悠姊年近古稀腳氣疾不瘳弟擬歸故山
與姊談一秋卅年滄海事澗衷一筆鈎前月寄長書一
一與姊謀豈知去年冬吾姊已仙游聞訃苦不早老淚
如洪流姊死福壽臻雲孫已過周中男富於學文光衝
斗牛少男饒於財服賈擅持籌姊死無遺憾弟生仍萍

浮欲報吾姊德徒增後死羞要方吾姊賢女嬰眞其儔
從今誰詈余申申聽無由哭姊姊不聞聲之以歌謳用
示後世人福德知雙修

丁卯五月余從泰州渡江到申江收二弟子已骸
骨歸葬於荆溪湖汶山中鴟舅岡紀之以詩

二弟死于役柩葬申江干彈指又六年夢魂時往還弟
骨未得歸兄心難自安兄年六十五寄跡他鄉關欲歸
歸不得無時忘弟棺今夏典故衣買棹趨狂瀾半月到
滬城渾忘行路難故人應觀察讀詩摧心肝敏齋讀余
哭弟詩有
感於心贈以盤骨歸葬分廉助歸葬感極涕淚潛收骨
之費眞令人感深以泣

入艙中招魂上座端酒肴左右陳紙錢焚夜闌視聽無
形聲雲天何漫漫憶弟年十七同舟到袁浦日與兄同
游夜與兄同語有時和兄歌有時對兄舞兄畫弟調朱
兄書弟按紙困來覆姜被夜雨聽蕭瑟弟年二十三吳
門爲小吏與兄聚一堂三歲有餘矣無何浩劫到南北
各分翅兄居東海濱弟役申江汜

王事敢告勞積

勞成疾死一棺埋江邊水浸爛脫底兄來收骨歸荆溪
塋湖汭弟魂安窀穸兄心喜不寐念弟有妻孥冥中須
蔭庇俾子早成立俾女無訴諱兄近古稀年在世能有
幾教養兩願任心力惟愁瘁弟豈無知耶聞言應出涕

弟骨易安弟家難安置後死告無能寸心徒抱愧地
下見高堂代兄先奉侍兄去弟勿憂明年來掃祭

丁卯六月十七日卜葬二弟子弓於荆溪湖汶山

中鷗舅岡作詩紀之

送弟歸山有老兄岡尋鷗舅築佳城遠離滬上洪濤險
來翫山間皓月明此日招魂歌楚些他年攜手上蓬瀛
紫泥封就碑題罷悲自中來涕自傾

訪周存伯

闕

於平江路丁香巷作詩寄之

隔院連聲喚老顛神情依舊似當年滄桑變幻談無盡
身世飄零會有緣敝屣一官拋去好名山千古得來仙

日揮綵筆供甘旨流水桃花別有天

寄懷應敏齋廉訪申江卽用其題拙稿二首詩韻
重遊滬上喜流連又泊米家書畫船好友爲籌安筆硯
餘生祇合覽山川舊歡新怨都無着流水桃花去杳然
倚馬萬言成底事羨君勲業紀凌烟

佛喜談空實不空劫餘好佛古今同能超弱水三千外
定到神山方丈中月照屋梁見顏色德光海國想雄風
久銷兵甲勤耕鑿豐樂誰歌大小東